

幾希錄

三

道光丁未重刊

雙天希錄

板存常熟市心街
劉博文刻字鋪樂
善印送每部裝釘
善百四拾五文

幾希錄序

孟子曰人之所以異於禽獸者幾希庶民去之君子存之
存之者存其理卽存其心也經云心正而后身脩身脩而
后家齊又云自天子以至於庶人壹是皆以脩身爲本蓋
以人藏其心不可測度身則心之外著者也能脩其身必
正其心而齊治平胥由此則以幾希之存故也且存此幾
希之理莫要於明物察倫倫有五而君臣爲首食毛踐土
盡屬君恩蚩蚩之民坐享太平之福目不睹九重宮闕耕
田鑿井欲報無由但能脩身齊家於父母兄弟妻子之間
各盡其孝弟慈之道爲閭閻之良民卽不負朝廷之教養

而亦異於庶民之去幾希者夫幾希之去非其性使然也
良由自幼至壯傲惰其肢體恣縱其嗜慾家庭之內無人
責備卽朋友亦無規過之言習與性成遂牾亡其幾希之
心而人直同於禽獸悲夫於是有心世道者著爲勸善懲
惡諸說如敬信錄寶善編以及訓俗遺規脩齊輯要等書
不可枚舉誘掖獎勸剴切詳明誠可以發聾振聵矣但卷
帙繁多恐閱者易生倦心且多詞句雅飭宜於文人而不
便於流俗因將諸善書中所言脩身齊家之事擇其詞理
顯明者摘而錄之彙爲一編卽稍解句讀者無不開卷了
然倘能隨時隨事觸目警心化其積習庶倫無不察身無

不脩而此幾希之心遂長存而不去姑無論積善之家必
有餘慶卽一種太和翔洽之氣洋溢門庭不亦人生之樂
事哉

道光元年夏仲瑞五堂主人謹識

幾希錄目次

父母

兄弟

妻子

持身

附勸弗雇乳媪說

幾希錄

父母

太微仙君曰。天下那有不孝之子。卽有不孝子。稱之孝。則喜。稱之不孝。則愧。此非良知不汨沒處乎。充得此念。便是大孝根基。奈爲習心。習氣所使。依舊不孝也。要知此習心。習氣。何由而成。知所以自克。則知所以孝矣。何蒼玉曰。父兮生我。母兮育我。人無父母。身從何來。方母十月懷胎。擔驚受怕。迨臨盆之日。正是母難之時。生死關頭。只在頃刻。幸而產下無事。則又推乾就溼。洗穢分甘。抱不離手。寢不安席。至乳產旣多。血氣耗敝。形枯體瘠。面若

雞皮背痛腰酸疾病時作念及此而母恩之當報爲何如也父當臨產之際不免同此憂驚兒甫孩提保護備至方食猶恐兒饑未寒先愁兒冷見兒聰慧則憂其不壽見兒愚鈍則憂其無知既就師傅則憂其離左右而難照管迨爲婚娶又憂其縱嗜慾而致傷生有病憂不立愈習業憂不速成卽或義方不率有不得不加之箠楚者然傷在子體實痛在父心父恩之當報爲何如也

許梅村曰世之入於不孝者其弊有由細爲抉其弊源庶足發其深省蓋不孝有小有大其小不孝之所以習成者有四一曰驕寵因父母憐愛過甚常任他性子驟而拂戾

則○便○不○堪○常○任○他○佚○豫○令○之○執○勞○則○便○不○習○人○前○出○言○稍○
有○過○失○父○必○思○爲○子○揜○飾○也○而○子○乃○敢○唐○突○其○父○文○行○藝○
能○父○譽○子○惟○恐○不○在○我○上○也○而○子○必○欲○父○之○出○我○下○二○曰○
習○慣○語○言○麤○率○慣○漸○成○沖○突○動○作○簡○易○慣○漸○成○放○恣○父○母○
自○奉○省○儉○慣○遂○不○復○憶○其○甘○旨○父○母○扶○病○任○勞○慣○遂○不○復○
問○其○痛○癢○三○曰○樂○縱○見○同○輩○不○勝○意○氣○對○雙○親○而○味○薄○入○
私○室○千○般○趣○態○望○高○堂○而○機○窒○甚○且○有○視○父○母○兄○弟○爲○俗○
物○者○矣○不○樂○相○對○則○豈○有○孝○心○發○耶○四○曰○忘○恩○記○怨○夫○恩○
習○久○愈○忘○怨○習○久○愈○積○人○情○然○也○況○父○母○兄○弟○生○而○習○之○
以○愛○護○爲○故○常○且○有○譽○我○而○被○厭○者○矣○以○訓○迪○爲○聒○耳○且○

有憂我而反愠者矣。以任勞庇護竭力經營爲平常。且有指爲強與吾事而怨恨者矣。眼前大恩恬然罔識。又安能推及胎養之勞。襁哺之苦乎哉。其大不孝之所以習成者。亦有四。一曰私貨財。財入吾手。便謂吾有。而在父母手。亦謂吾得而有之也。財足則忘親。財乏則覬親求財。不得則怨親。親不能自養而寄食吾財。則又厭親甚。且有單父隻子而爭財囉咷者矣。少長互推而棄親不養者矣。不思身誰之身。財誰之財。我不帶一財來。而襁哺無缺。以至今日。誰之恩乎。二曰私妻子。妻子習狎而父母嚴重也。有美味錢財。欲以娛妻寵子。有佳會良辰。欲以擁妻抱子。而懷親

之念遂微也。不思子爲我子。而我爲誰子。親念我。我不顧親。使我子而如我。則亦何賴有子哉。夫妻固是樂事。然當呱呱待哺。便溺未知之時。豈解戀妻。抑妻能擁我生活耶。辛勤育我。指望娶婦代勞。貽燕乃有婦。而親反不得有子。耶。三曰。嫖蕩慾火正熾。客誘如狂。有倚閭傷心者。不顧也。家業浪費。姑婦勃蹊。有激聒誚讓者。不顧也。懷子不寐。風雨淒長夜之魂。垂白無歡。菽水冷半生之奉。吁嗟傷哉。狂興幾何。忍令有此。四曰。爭妒天地之大也。人猶有憾。父母之於衆子也。情豈無偏。乃攘臂爭分。側目奪寵。或兄弟而觭觔不平。或姊妹而計較纖悉。護短爭長。分曹伐異。相讒。

蠱而家道睽積嗔怒而孝情薄矣此四者人之常情而其
流遂至於大不孝可不慎歟至人之厭憎老親者亦有故
一曰迂濶衣冠禮數老人家不合時宜此當思古貌古心
倍覺可喜可懼二曰惜財颺颺持籌禁子孫濫用此當思
爲誰節儉三曰尪弱起止不便扶持維艱此當思我幼時
無識無知父母弄爲歡笑養兒防老正在此時四曰憐愛
內懷少子解衣推食偏愛太甚此當思我少時父母亦是
這般憐我倘於此起一厭心漸入不孝而不自知矣
司馬公曰孝道何盡及時爲貴毋使親年日短而悔吾心
之未盡毋使子力日裕而傷吾親之不逮爲父母者待子

能養時。大約五六十歲矣。譬如持短燭而行長路。奔趨於店。尙恐不及。況敢逍遙中路哉。爲人子者。擁妻抱子。飽食安眠。豈知堂上髮白眼暗之老人。又復刪除一日乎。妻子之年。方少。享用之日。正長。而生身父母。一去不復。上天下地。尋覓無門。危哉。幸未及此。速宜孝養。

袁氏世範曰。父母見諸子中有貧者。往往念之。飲食衣服之分。或有偏私。子之富者。或有所獻。則轉以與貧者。此正父母均一之心。而富者或以爲怨。殆未之思也。試思我貧父母。亦移此心於我矣。

呂叔簡曰。人子之道。莫大於事生。百年有限之身。一去不

回之日得盡一時心卽免一時悔矣

又曰血氣調於喜歡疾病生於惱怒壽親之道無他一悅字盡之矣陸桴亭曰以身孝父母不若以妻子孝父母以身孝父母容有不盡之時以妻子孝父母更無不到之處于鐵樵曰貧人奉養亦非難事父母旣處寒微眼界本來不大布素衣裳時新食品隨意一物皆可娛親所費原自無多父母得之已生歡喜況人雖極貧極苦未有終歲無一錢之入者但能先儘二人之用而後及其身而後及其妻子卽竭力之道也若夫富貴之家卽將父母所遺還以奉之父母不過畧費一番調度體貼而猶不肯效此敬勞

耶顯揚之事全要仰體父母望子之心人間名利雖非可
必得之物然爲子之人苟能各勤其職業如讀書者能埋
頭刻苦種田者能努力胼胝貿易者能盡心經營使父母
意中常作一做封翁做財主妄想亦是養志之一訣爲人
子而使父母無想之可妄則其心痛矣嗟乎子生三年之
內懷中提抱口內含飴與父母何等親切偶然他人抱去
卽便啼哭思親乃日長一日日疎一日不但天性漠然甚
至反生許多求全責備父母之爲父母也苦矣
陳成卿曰世有婢妾而爲生母者同是一般女子生於貧
賤之家落在富貴之手共衾之日少獨宿之夜多造化者

遇着賢慧。或者半晴半雨。尚可勉强度日。若逢妒悍之性。終日惡聲相加。百般凌辱。少辨一語。便罵犯分無禮。畧訴半句。便恨枕邊教唆。更遇不孝媳婦。不孝子女。不思爲父翁矜恤。一味向母姑搬挑。下人復從而和之。風波起於平地。霹靂降自青天。又不幸主人情薄。冷煖不知。疾痛勿恤。閨中淚溼青衫。門外歡呼暢飲。甚有溺愛新寵。厭棄舊情。薄命自憐。幾番尋死。真可痛悼。偶爾得胎。多方掩飾。掩飾不過。受盡慚憤。坐草臨盆。誰來看護。幸而得子。妬忌不容。加意小心。動云恃子放肆。子有疾病。剋肉醫瘡。甘受凍餓。經云。十月懷胎。娘辛苦三年。乳哺母勤勞。若身爲婢妾。勤

苦更十倍尋常也。到得長大成。人享有妻子。享有田房。全
不想今日受用。都從吾母血枯骨瘠。淚乾腸斷。中來言念。
及此能毋爲之酸鼻乎。爲子者當想此情。發憤立志。誓圖
一日顯揚。以酬萬苦千辛。居恒侍奉。須念母氏勞苦風燭。
可憂。早早奉養。若不能盡心竭力。比尋常不孝子更爲大。
逆不道。定當急受誅矣。又有前後之間。嫡庶之際。父母或
有偏向。而不慈爲子者。亦易生嫌怨。此當積誠感格。委曲
盡心。期於必得歡心。而後已。彼亂臣賊子。其始皆見君父
有不是處。微根不除。遂至橫決爾。
寶善編云。大抵養父母的身。約有四樣。一是飲食。富者貴